



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» br. 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» br. 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2019. GODINU BOSANSKE NARODNE STRANKE

Broj: 03-07-6-220/20
Sarajevo, 01.06.2021. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA	4
Predmet pregleda i kontrole.	4
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1 NALAZI	5
5.2 PREPORUKE	9

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Bosanske narodne stranke za 2019. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Pregledom godišnjeg finansijskog izvještaja za 2019. godinu, utvrđeno je da je Bosanska narodna stranka prekršila odredbe člana 4. stav (1), člana 5. stav (4), člana 11. stav (1) i člana 12. Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Bosanske narodne stranke za 2019. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Bosanska narodna stranka finansirala se iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica (3-a)	0,00	0,00
3.	Prilozi pravnih lica (3-b)	0,00	0,00
4.	Prihodi od imovine (3-c)	0,00	0,00
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	0,00	0,00
7.	Prihodi iz budžeta (3-f)	0,00	0,00
8.	Prihodi od propagande (3-g)	0,00	0,00
I	Ukupni prihodi (1-8)	0,00	0,00
II	Ostali prihodi i drugo¹	107.372,00	100,00
	Izvori finansiranja (I+II)	107.372,00	100,00

U godišnjem finansijskom izvještaju za 2019. godinu, Bosanska narodna stranka je iskazala rashode u ukupnom iznosu od 105.895,00 KM.

2. PREDSTAVLJANJE POLITIČKE STRANKE

Naziv političke stranke je Bosanska narodna stranka. Skraćeni naziv stranke je BNS.

Bosanska narodna stranka je registrovana kod Općinskog suda u Goraždu, Rješenjem broj: 045-0-F1-18000001 od 23.03.2018. godine.

Sjedište stranke je u Goraždu, ulica Patriotske lige broj 5.

Lice ovlašteno za zastupanje stranke je Medina Kulelija, predsjednica stranke.

Lice ovlašteno za finansijske izvještaje za 2019. godinu je Berina Fejzić.

Prema podacima iz godišnjeg finansijskog izvještaja za 2019. godinu, Bosanska narodna stranka nema niže nivoe organizovanja.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Bosanske narodne stranke za 2019. godinu.

¹ Stranka je u obrascu 3 (izvori finansiranja) sredstva iz budžeta iskazala kao ostale prihode.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Bosanske narodne stranke obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju finansiranja političkih stranaka je izvršila pregled godišnjeg finansijskog izvještaja Bosanske narodne stranke za 2018. godinu i finansijskog izvještaja za period od dana podnošenja prijave za ovjeru za izbore do dana ovjere rezultata Općih izbora, održanih u oktobru 2018. godine.

Nakon izvršenog pregleda godišnjeg finansijskog izvještaja za 2018. godinu, izdat je Izvještaj o pregledu sa mišljenjem revizora, nalazima i preporukama stranci da finansijska sredstva osigurana za finansiranje političke stranke koristi isključivo za ostvarivanje ciljeva utvrđenih svojim programom i statutom, da vodi evidenciju o priložima, bez obzira na koji način ih ostvaruje, da se ne finansira iz zabranjenih izvora, da poslovne knjige vodi u skladu sa računovodstvenim propisima, da uspostavi potpune i tačne evidencije o prihodima, rashodima i obavezama, da finansijske izvještaje popunjava i podnosi u skladu sa zakonom i podzakonskim aktima Centralne izborne komisije BiH i da u svrhu izborne kampanje troši sredstva u zakonom dozvoljenom limitu.

Nerealizovane preporuke:

Na osnovu uočenih nedostataka u godišnjem finansijskom izvještaju za 2019. godinu, utvrđeno je da Bosanska narodna stranka nije ispoštovala sve preporuke.

5. NALAZI I PREPORUKE

5.1 NALAZI

a) Bosanska narodna stranka prekršila je odredbe člana 4. stav (1) Zakona o finansiranju političkih stranaka.

Bosanska narodna stranka program utroška sredstava za 2019. godinu nije sačinila na način kojim bi se obezbijedila potpuna transparentnost planiranog trošenja sredstava, kao i njegova uporedba sa ostvarenim troškovima sredstva, te finansijska sredstva nije utrošila u skladu sa planom i programom utroška za 2019. godinu, čime je prekršila je odredbe člana 4. stav (1) Zakona o finansiranju političkih stranaka.

Planom i programom utroška sredstava za 2019. godinu stranka je planirala ukupne troškove u iznosu od 105.800,00 KM, i to: 1) plata tehničkog sekretara i isplate rukovodiocima stranke u iznosu od 26.000,00 KM; 2) održavanje godišnje izvještajne skupštine stranke i sastanci u iznosu od 10.000,00 KM; 3) administrativni troškovi, materijalni troškovi, putni troškovi i troškovi goriva u iznosu od 12.000,00 KM; 4) troškovi zakupnine i režijski troškovi u iznosu od 8.000,00 KM; 5) edukacija članova i simpatizera stranke u iznosu od 10.000,00 KM; 6) ugovor o korištenju motornih vozila stranke u iznosu od 27.800,00 KM; i 7) pomoć socijalno ugroženim i bolesnim članovima stranke u hrani, lijekovima i građevinskom materijalu u iznosu od 12.000,00 KM.

Bosanska narodna stranka u finansijskom izvještaju iskazala je troškove u ukupnom iznosu od 105.895,00 KM.

Uvidom u obrazac 4.1 (režijsko-administrativni i ostali troškovi) finansijskog izvještaja, utvrđeno je da stranka nije transparentno prikazala utrošak sredstava, iako se finansirala sredstvima iz budžeta. Takođe, analizom plana i programa utroška sredstava utvrđeno je da isti nije sačinjen na način kojim bi se obezbijedila potpuna transparentnost planiranog trošenja sredstava, kao i njegova uporedba sa ostvarenim troškovima.

(1) Politička stranka kod pojedinih vrsta troškova nije se pridržavala plana i programa utroška sredstava, pa je iste ostvarila u većem iznosu od troškova predviđenih planom i programom utroška sredstava, kako slijedi:

- Pomoć socijalno ugroženim i bolesnim članovima stranke (hrana, lijekovi, građevinski materijal) planirana je u iznosu od 12.000,00 KM, a ostvareni su troškovi u iznosu od 57.519,00 KM², što je više od plana za 45.519,00 KM.

(2) Uvidom u poslovne knjige i dokumentaciju utvrđeno je da je stranka u okviru konta 4000-Troškovi materijala koji je iskazan u iznosu od 18.522,62 KM, evidentirala račune za troškove građevinskog materijala, bijele tehnike za domaćinstvo (veš mašina, pegla, štednjak i sl.), te računa ispostavljenog Stranci dijaspore BiH od 06.10.2018. godine u iznosu od 3.538,04 KM.

Imajući u vidu da je stranka vršila nabavku građevinskog materijala i bijele tehnike, a da stranka nema nekretnine u svom vlasništvu i da iznajmljuje poslovni prostor, nije moguće utvrditi u koju svrhu su utrošena finansijska sredstva stranke.

Pored navedenog, stranka je izvršila plaćanje računa za drugu političku stranku Stranku dijaspore BiH u iznosu od 3.538,04 KM, što je, takođe, suprotno odredbama člana 4. stav (1) Zakona o finansiranju političkih stranaka.

b) Bosanska narodna strankaa prekršila je odredbe člana 5. stav (4) i člana 11. stav (1) i člana 12. stav (1) i stav (4) Zakona o finansiranju političkih stranaka.

Bosanska narodna stranka nije iskazala dva transakciona računa, nije prijavila donaciju fizičkog lica, nije uspostavila pravilne evidencije o svojim prihodima, rashodima i obavezama i nije popunila obrasce godišnjeg finansijskog izvještaja za 2019. godinu u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik), čime su prekršene odredbe člana 5. stav (4), člana 11. stav (1) i člana 12. stav (1) i stav (4) Zakona o finansiranju političkih stranaka.

(1) Stranka na obrascu 2 (pregled prometa svih transakcionih računa političke stranke) finansijskog izvještaja nije iskazala dva transakciona računa, račun broj: 1862610340368383 i račun broj: 1862610310366186 kod ZiraatBank BH dd Sarajevo.

- Uvidom u Potvrdu Ziraat Bank o zatvorenim računima³, koju je dostavila stranka po zahtjevu Centralne izborne komisije Bosne i Hercegovine, utvrđeno je da je transakcioni račun stranke broj: 1862610340368383 otvoren 16.05.2018. godine, da na istom nije bilo prometa od momenta otvaranja do dana zatvaranja 06.10.2020. godine. U potvrdi je, takođe, navedeno da je transakcioni račun za redovno poslovanje broj: 1862610310366186 otvoren je 23.05.2018. godine, a zatvoren 30.05.2019. godine.

- Bosanska narodna stranka na obrascu 2 nije iskazala pravilno i tačno promet ulaza, izlaza i stanja na dan 31.12.2019. godine na transakcionom računu broj: 1862610310354255 kod ZiraatBank BH dd Sarajevo.

² Na obrascu 4.1 finansijskog izvještaja iskazani kao Humanitarni rashodi u iznosu od 57.519,00 KM.

³ Potvrda o zatvorenim računima u ZiraatBank od 06.10.2020. godine.

Stranka je na obrascu 2 iskazala sljedeće podatke: promet ulaza u iznosu od 107.372,00 KM, promet izlaza u iznosu od 105.895,00 KM i stanje na dan 31.12.2019. godine u iznosu od 1.477,00 KM.

Kontrolom prometa izvoda sa transakcionog računa, utvrđeno je da je promet ulaza iznosio 107.451,93 KM, promet izlaza 106.961,48 KM, a stanje na dan 31.12.2019. godine 490,45 KM.

Neprijavlivanjem svih transakcionih računa, te pogrešnim iskazivanjem prometa po računu, politička stranka je prekršila odredbe člana 11. Pravilnika.

(2) Uvidom u poslovne knjige utvrđeno je da je stranka na subanalitičkom bruto bilansu i analitičkim karticama glavne knjige evidentirala početno stanje na blagajni stranke u iznosu od 14,76 KM.⁴ U finansijskom izvještaju na obrascu 2.1 (pregled stanja blagajne) stranka nije iskazala početno stanje na dan 01.01.2019. godine, odnosno navedeni obrazac nije popunjen u skladu sa odredbama člana 12. Pravilnika.

(3) Pregledom godišnjeg finansijskog izvještaja i uvidom u poslovne knjige, utvrđeno je da Bosanska narodna stranka u poslovnim knjigama nije evidentirala niti je u godišnjem finansijskom izvještaju iskazala donaciju fizičkog lica u iznosu od 80,00 KM, čime je prekršila odredbe člana 5. stav (4) Zakona o finansiranju političkih stranaka.

Kontrolom prometa na transakcionom računu broj: 1862610310354255 kod ZiraatBank BH dd Sarajevo, utvrđena je uplata donacije fizičkog lica Edima Fejzića u iznosu od 80,00 KM.⁵

Takođe, utvrđeno je da je stranka u finansijskom izvještaju iskazala prihode u iznosu od 103.372,00 KM, a isti su iznosili 103.452,00 KM, čime je i ukupne prihode iskazala u manjem iznosu za 80,00 KM od ostvarenih.

Obrasci 3 (izvori finansiranja) i 3-a (prilozi fizičkih lica) finansijskog izvještaja nisu popunjeni u skladu sa odredbama člana 13. i člana 14. Pravilnika.

(4) Bosanska narodna stranka je prihode ostvarene iz Bosansko-podrinjskog kantona i Federacije BiH u godišnjem finansijskom izvještaju iskazala kao ostale prihode, čime je prekršila odredbe člana 13. i 19. Pravilnika.

Stranka je u obrascu 3 (izvori finansiranja) finansijskog izvještaja iskazala ostale prihode u iznosu od 107.372,00 KM.

Na osnovu podataka koje je dostavio Bosansko-podrinjski kanton i Vlada Federacije BiH, utvrđeno su da u toku 2019. godine stranci uplaćena sredstva iz budžeta Bosansko-podrinjskog kantona u iznosu od 5.760,00 KM i Vlade Federacije BiH u iznosu od 101.612,00 KM, što je potvrđeno i uvidom u izvode sa transakcionog računa stranke.

(5) Uvidom u obrazac 4.1 (režijsko-administrativni i ostali troškovi) finansijskog izvještaja, utvrđeno je da stranka nije transparentno prikazala utrošak sredstava, tj. u obrascu 4.1 je sve ostvarene troškove iskazala u šest vrsta troškova (troškovi električne energije, troškovi usluga, dnevnice i putni troškovi, humanitarni rashodi, troškovi poreza i dr. obaveza i ostale rashode) u ukupnom iznosu od 105.895,00 KM.

U poslovnim knjigama-analitičkim karticama za 2019. godinu stranka je iskazala sljedeće rashode: kancelarijski materijal u iznosu od 2.810,53 KM, otpis sitnog inventara u iznosu od 664,80 KM, ostali materijal u iznosu od 15.047,29 KM, energija u iznosu od 186,29 KM, nabavljena električna energija u iznosu od 628,99 KM, usluge održavanja u iznosu od 139,05 KM, troškovi reprezentacije u zemlji u iznosu od 1.645,50 KM, provizija i dr.bankarske usluge

⁴ Analitička konta 1000-Blagajna i 1001-Blagajna posebnih namjena.

⁵ Edim Fejzić uplata 80,00 KM , izvod broj 1.

u iznosu od 671,67 KM, usluge BH telecoma u iznosu od 2.788,75 KM, komunalne usluge u iznosu od 650,00 KM, advokatske usluge u iznosu od 993,60 KM, zakupnina u iznosu od 2.583,40 KM, usluge vođenja knjigovodstva u iznosu od 1.022,00 KM, ostale usluge u iznosu od 1.560,35 KM, kamate u iznosu od 99,00 KM, dnevnice i putni troškovi u zemlji u iznosu od 150,00 KM, upotreba vlastitog vozila u iznosu od 13.500,00 KM, humanitarni rashodi u iznosu od 57.518,84 KM, ugovori o dijelu u iznosu od 2.580,00 KM, ostali porezi i takse u iznosu od 479,73 KM i telekomunikacijske usluge u iznosu od 175,40 KM.

U skladu sa odredbama člana 12. stav (4) Zakona o finansiranju političkih stranaka i odredbama člana 22. Pravilnika, stranka je bila obavezna sve troškove iskazati po vrstama troškova.

(6) Pregledom godišnjeg finansijskog izvještaja je utvrđeno da Bosanska narodna stranka nije uspostavila potpune i tačne evidencije o rashodima stranke, te ih nije pravilno iskazala u finansijskom izvještaju na obrascu 4.1 (režijsko-administrativni i ostali troškovi), čime je prekršila odredbe člana 21. i člana 22. Pravilnika.

- Uvidom u Ugovor o zakupu poslovnog prostora sa Sarajevo-osiguranjem dd Sarajevo utvrđeno je da je ugovor o korištenju poslovnog prostora zaključen na period 01.06.-31.12.2019. godine uz mjesečnu zakupninu od 351,00 KM, odnosno za sedam mjeseci u iznosu od 2.457,00 KM. Stranka je u poslovnim knjigama evidentirala troškove zakupnine poslovnog prostora po navedenom ugovoru za šest mjeseci u iznosu od 2.106,00 KM, odnosno nije evidentirala trošak zakupnine u iznosu od 351,00 KM.
- Stranka je u poslovnim knjigama evidentirala humanitarne rashode u iznosu od 57.518,84 KM.

Uvidom u račune i dokumentaciju za humanitarne rashode koje je dostavila stranka, prema uzorku, utvrđeno je da je stranka u okviru troškova humanitarne pomoći evidentirala isplate novčane pomoći fizičkim licima za nabavku lijekova, školovanja, građevinskog materijala, putnih troškova i sl.

Stranka je dostavila kopiju odluka iz kojih je utvrđeno da su istim fizičkim licima vršene isplate po različitim osnovama, i to: Sejadu Tatrinu za nabavku lijekova u ukupnom iznosu od 3.500,00 KM i plaćanje školovanja u iznosu od 1.600,00 KM, te Edimu Fejziću za nabavku lijekova u iznosu od 1.000,00 KM i za putne troškove u iznosu od 1.500,00 KM. Takođe je utvrđeno da je Medini Kuleliji, predsjednici stranke, isplaćeno 3.000,00 KM po osnovu putnih troškova, Nadiri Fejzić za pomoć u školovanju isplaćeno je 1.100,00 KM, a Berini Fejzić za nabavku lijekova 1.500,00 KM. Stranka uz kopiju odluka nije dostavila drugu dokumentaciju, kao što su zahtjevi za pomoć, računi za lijekove i medicinska dokumentacija.

Sve navedeno ukazuje da je stranka na isplate sredstava fizičkim licima koje je evidentirala kao humanitarne rashode, imala obavezu da u skladu sa poreskim propisima obračuna i plati porez na dohodak i pripadajuće doprinose.

S obzirom da u poslovnim knjigama i godišnjem finansijskom nije iskazala troškove i obaveze po osnovu poreza na dohodak i doprinosa, stranka je prekršila računovodstvene propise i odredbe člana 21, 22. i 24. Pravilnika.

- Kontrolom računa stranke, utvrđeno je da je račun-otpremnicu broj: 2904/18 Lepenica Company d.o.o. od 6.10.2018. godine u iznosu od 3.538,04 KM, izdata na ime Stranke dijaspore BiH, evidentiran u poslovnim knjigama i plaćen tokom 2019. godine, što je suprotno računovodstvenim propisima i praksi.⁶

⁶ Rn 2904/18 Lepenica Company d.o.o. evidentiran na kontu 40009-Ostali materijal.

(7) Pregledom i kontrolom godišnjeg finansijskog izvještaja, utvrđeno je da stranka nije u obrascu 5 (obaveze političke stranke) iskazala tačne podatke o obavezama, čime su prekršene odredbe člana 24. Pravilnika.

U godišnjem finansijskom izvještaju na obrascu 5 (Obaveze političke stranke) stranka je iskazala obaveze na dan 31.12.2019. godine u iznosu od 12.100,00 KM, što ne odgovara podacima iz Završnog računa.

U Završnom računu-Bilansu stanja na dan 31.12.2019. godine stranka je iskazala obaveze na dan 31.12.2019. godine u iznosu od 12.657,00 KM, odnosno manje je iskazala obaveze u izvještaju za 557,00 KM.

c) Bez kvalifikovanja revizijskog mišljenja, skrećemo pažnju na troškove zakupa motornog vozila.

Bosanska narodna stranka je izvršila nabavku usluga, odnosno uzela pod zakup putničko motorno vozilo i u tu svrhu je ostvarila troškove u iznosu od 13.500,00 KM

Stranka je zaključila Ugovor o raspolaganju i korišćenju putničkog motornog vozila sa Edimom Fejzićem na period od dvanaest mjeseci uz mjesečnu zakupninu od 1.500,00 KM, te je ovom fizičkom licu isplatila iznos od 13.500,00 KM. Stranka je navedenom licu, koje je istovremeno predsjednik druge političke stranke, isplatila i sredstva za nabavku lijekova i putnih troškova.

5.2 PREPORUKE

Preporučuje se Bosanskoj narodnoj stranci da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da finansijska sredstva obezbijedena za finansiranje stranke koristi u skladu sa statutom i programom utroška sredstava,*
- *da evidentira sve prihode, uključujući i donacije fizičkih lica,*
- *da vodi pravilne evidencije o prihodima, rashodima i obavezama, odnosno da vodi poslovne knjige u skladu sa računovodstvenim propisima,*
- *da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka,*
- *da poštuje i druge propise, prevashodno poreske, i*
- *da, imajući u vidu strukturu troškova stranke i činjenicu da se finansira iz budžeta, racionalnije troši finansijska sredstva.*

KOMENTAR

U ostavljenom roku, Bosanska narodna stranka nije se očitovala na nalaze revizije i mišljenje revizora dato u Preliminarnom izvještaju o pregledu godišnjeg finansijskog izvještaja za 2019. godinu.

Šef Odsjeka za revizijske poslove
Sanja Tošović

Šef Službe za reviziju
Mr. sc. Hasida Gušić

Revizor
Nevenko Andan